

Ո Ր Ո Շ ՈՒ Մ

Ճանապարհային ոստիկանության վարչական իրավախախտման գործով 19.08.2021թ. կայացված ԱՖ716837 որոշումն անփոփոխ, իսկ վարչական բողոքն առանց բավարարման թողնելու մասին

<<15>> 09 2021թ. 7-13- 14053

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով քաղաքացի Ռյաբոտա Ֆյոդորի ՄԴ/73411-21 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Շիրակի մարզի, Գյումրի քաղաքի, Շահումյան փողոցի, 185/8-րդ տան բնակիչ Ֆյոդոր Ռյաբոտան դիմումով խնդրել է բեկանել 19.08.2021թ. կայացված ԱՖ716837 որոշումը նկատի ունենալով իր ընտանեական վիճակը: Միաժամանակ հեռախոսակապի միջոցով հայտնել է, որ դիմումին ավելացնելու ոչինչ չունի, պահանջել է դիմումը քննել առանց իր մասնակցության և արդյունքների մասին տալ գրավոր պատասխան:

Դիմումի քննարկման արդյունքում պարզվել է, որ վարչական իրավախախտման վերաբերյալ գործով 19.08.2021թ. կայացված ԱՖ716837 որոշումը ենթակա է կատարման հետևյալ պատճառաբանությամբ.

<<Ավտոտրանսպորտային միջոցների օգտագործումից բխող պատասխանատվության պարտադիր ապահովագրության մասին>> 5-րդ հոդվածի 4-րդ մասի համաձայն՝ յուրաքանչյուր անձ պետք է մշտապես ունենա սեփականության իրավունքով իրեն պատկանող (ֆինանսական վարձակալության (լիզինգի) պայմանագրով իրեն տրամադրված) և Հայաստանի Հանրապետությունում հաշվառված յուրաքանչյուր ավտոտրանսպորտային միջոցի համար կնքված և գործող ԱՊՊԱ պայմանագիր: Արգելվում է ընդհանուր օգտագործման ավտոմոբիլային ճանապարհներով ավտոտրանսպորտային միջոցի վարումը, եթե դրա համար առկա չէ այն վարելու պահին գործող ԱՊՊԱ պայմանագիր:

Վարչական իրավախախտումների վերաբերյալ ՀՀ օրենսգրքի 129.2-րդ հոդվածի 2-րդ մասի համաձայն առանց տվյալ տրանսպորտային միջոցի համար կնքված ավտոտրանսպորտային միջոցի օգտագործումից բխող պատասխանատվության պարտադիր ապահովագրության գործող պայմանագիր ունենալու՝ Հայաստանի Հանրապետության տարածքում ընդհանուր օգտագործման ավտոմոբիլային ճանապարհներով տրանսպորտային միջոցը վարելը՝ առաջացնում է տուգանքի նշանակում՝ սահմանված նվազագույն աշխատավարձի հարյուրապատիկի չափով:

Դիմումի ուսումնասիրությամբ պարզվել է, որ 19.08.2021թ. ժամը 14:45-ի սահմաններում Գյումրի քաղաքի Ա.Մանուկյան փողոցում ուժեղացված ծառայության ընթացքում դիմումատուի վարած <<MAZDA>> մակնիշի 36SR023 հաշվառման համարանիշի ավտոմոբիլով կանգնեցվել է Ճանապարհային ոստիկանության ՃՊԾ 2-րդ սպայական գումարտակի 2-րդ սպայական վաշտի 2-րդ սպայական դասակի տեսուչ, ոստիկանության ավագ լեյտենանտ Ն.Մովսիսյանի և նույն դասակի տեսուչ, ոստիկանության ավագ լեյտենանտ Մ.Հովհաննիսյանի կողմից ստուգուման արդյունքում պարզվել է, որ վարորդն ավտոմոբիլը վարել է առանց գործող ԱՊՊԱ պայմանագիր ունենալու: Վարորդի նկատմամբ կազմվել է վարչական իրավախախտման վերաբերյալ արձանագրություն և

Վարչական իրավախախտումների վերաբերյալ ՀՀ օրենսգրքի 129.2-րդ հոդվածի 2-րդ մասի համաձայն կայացվել է վարչական իրավախախտման վերաբերյալ գործով ԱՖ716837 որոշումը:

Ճանապարհային ոստիկանության ծառայողների կողմից տրված պարզաբանման համաձայն՝ Ճանապարհային ոստիկանության էլեկտրոնային ռեգիստրի միջոցով ստուգումից պարզվել է, որ դիմումատուն ավտոմոբիլը վարել է առանց տվյալ տրանսպորտային միջոցի համար կնքված տրանսպորտային միջոցի օգտագործումից բխող պատասխանատվության պարտադիր ապահովագրության գործող պայմանագիր ունենալու: Վարորդի նկատմամբ կազմվել է վարչական իրավախախտման վերաբերյալ արձանագրություն և Վարչական իրավախախտումների վերաբերյալ ՀՀ օրենսգրքի 129.2-րդ հոդվածի 2-րդ մասի համաձայն, կայացվել է ԱՖ716837 որոշումը: Միաժամանակ ոստիկանության ծառայողները հայտնել են, որ իրենց և վարորդի միջև ծառայողական բնույթի խոսակցություններից բացի այլ խոսակցություններ չեն եղել:

Ինչ վերաբերվում է տույժը մեղմացնելու դիմումատուի խնդրանքին, ապա ՀՀ Սահմանադրության 6-րդ հոդվածի 1-ին մասի համաձայն՝ պետական և տեղական ինքնակառավարման մարմիններն ու պաշտոնատար անձինք իրավասու են կատարելու միայն այնպիսի գործողություններ, որոնց համար լիազորված են Սահմանադրությամբ կամ օրենքներով, իսկ սույն դեպքում Վարչական իրավախախտումների վերաբերյալ ՀՀ օրենսգրքով սահմանված է միայն մեկ սանկցիա, ուստի խնդրանքը բավարարել հնարավոր չէ:

Հայաստանի ավտոապահովագրողների բյուրոյի ԻԱՄ վերահսկող ծառայության մասնագետի կողմից տրված տեղեկատվության համաձայն՝ <<MAZD>> մակնիշի 36SR023 հաշվառման համարանիշի ավտոմոբիլը ապահովագրվել է <<ՌՈՍԳՈՍՍՏՐԱԽ-ԱՐՄԵՆԻԱ>> ԱՓԲԸ-ում **19.08.2021թ.** և հատկացվել է **SQ267283** ԱՊՊԱ վկայագիրը, որն ուժի մեջ է մտել **20.08.2021թ.-ից** մինչև **19.11.2021թ.-ը**, իսկ Ֆ.Ռյաբոտայի կողմից թույլ տված իրավախախտումը հայտնաբերվել է **19.08.2021թ.-ին ժամը 14:45-ին**:

Այսպիսով, դիմումատուի արարքում առկա է Վարչական իրավախախտումների վերաբերյալ ՀՀ օրենսգրքի 129.2-րդ հոդվածի 2-րդ մասի հատկանիշները, իսկ ԱՖ716837 որոշում օրինական է և հիմնավոր, ուստի ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական իրավախախտման վերաբերյալ գործով 19.08.2021թ. կայացված ԱՖ716837 որոշումը թողնել անփոփոխ, իսկ վարչական բողոքն առանց բավարարման :
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել Ֆյոդոր Ռյաբոտային և Ճանապարհային ոստիկանության ՃՊԾ 2-րդ սպայական գումարտակ:

